

## Fischart, Johann: Erklärung beyder hie fůrgemalter Teutscher Tugenden (1568)

- 1 Standthafft vnd Treu, vnd Treu vnd Standschafft,
- 2 Die machen eyn Recht Teutsch verwandschafft:
- 3 Beständige Treuhertzigkeyt
- 4 Vnd Treuhertzig Beständigkeyt,
- 5 Wann die kommen zur Eynigkeyt,
- 6 So widerstehen sie allem Leyd;
- 7 Daher vnfer Vorfahren frei
- 8 Durch Redliche Standhaffte Treu
- 9 Schůtzten jr Freihēyt, Land vnd Leut,
- 10 Ja weiterten jhr Land auch weit,
- 11 Wie Lewen thāten sie bestan,
- 12 Wann sie eyn Feind thāt greiffen an,
- 13 Vnd wann sie dann warn angegriffen,
- 14 Die Glegenheyt sie nicht verschlieffen,
- 15 Sonder dem Feind sie starck nachsetzten,
- 16 Auff daß sie jre Schart außwetzten,
- 17 Gleich wie eyn Adler starck nachziehet
- 18 Eym Raub, der jm mit list entfliehet.
- 19 Ja wie eyn Hund seins Herren Gut,
- 20 Darauff er ligt vnd hālts inn Hut,
- 21 Wider Frembde Treulich verwacht,
- 22 Also hatten sie auch inn acht
- 23 Das Land, welchs jhn Gott hat verliehen,
- 24 Darinn jr Kinder auffzuziehen.
- 25 Was nun euch Frommen Teutschen heut,
- 26 Die von so Frommen Eltern seit,
- 27 Auch nunmals will zuthun gebůren,
- 28 Solt jr hiebei zu Gmůt kurtz fůren.

(Textopus: Erklärung beyder hie fůrgemalter Teutscher Tugenden. Abgerufen am 23.01.2026 von <https://www.textopus>)